

中

興

禮

書

中興禮書第三十二卷

吉禮三十二

郊祀祝冊表文祝文三

慈闈有命凜乎基業之承陽律維時肇此郊丘之薦報  
二儀之况施救百吏之虔共先事貢誠異章踵故

宗廟自紹興三十二年遷異祖而祔欽宗是

年祝文

英宗室曰皇高祖考神宗室曰皇曾祖考已上並稱哲

宗室曰皇伯祖考稱考徽宗室曰皇祖考稱考欽宗室

曰皇伯考稱考懿節皇后室曰皇妃稱考受命慈闈承

祧累歲始行郊燔之禮將薦廟遵之誠已戒前期敢伸

虔告

別廟祝文

三歲之郊累期故事御園之始初講彌文欽惟淑靈監  
茲預告

太社祝文

禮大南郊甫嚴祀典饗行北牖用保神休方誕告于先  
期敢潔脩以明薦

太稷祝文

禮大郊丘甫嚴祠典祠修官稷用報神休方誕告于先  
期敢潔陳以明薦

天慶觀報恩光孝觀青詞

燔黍時之柴將迎長至降昕庭之札已肅前期仰覲博  
臨助成昭報

南郊奏告太一宮十神太一祝文

伏以祀有多儀事尊肆類已諏穀旦誕播扎書徽福貴神告虔嘉薦

諸陵並昭慈聖獻皇后橫宮永祐陵橫宮表

文

內諸陵永獻永獻宗皇帝位

氣迺黃宮禮行泰時有颺協華之德初修報本之祠願瞻威神徵求保右

安穆皇后橫宮祝文

迎休圭景展事觚壇已降扎書聿嚴柴燎願瞻園寢先告吉蠲

南嶽南海南瀆祝文

祀著邦矣禮尊郊類候一陽于六律秩群望之百神告

此前期厥惟故事

改未年正陽之月雩祀之辰奏告天地宗廟  
社稷宮觀諸陵櫛宮五嶽四海四瀆

天地社稷諸陵櫛宮五嶽四海四瀆祝文

同並

秩元祀于觚壇初伸大報候初陽於嶰簫將講盛儀會  
邊頃之不寧懼齋心之有關惟藝祖避近晦之日至太  
宗行上辛之郊稽此前規卜之首夏覲乾坤之錫祉備  
疆場之銷兵庶竭忱誠遂成熙事

宗廟天慶觀報恩光孝觀

同並

郊類有期邊塵遂起仰遵祖武改卜長羸之初敢覲神  
休克展泰元之報

別廟安穆皇后祝文

郊禋有日邊事忽興意我前規改之首夏欽依英淑有以相之

安穆皇后橫宮祝文

始祓神丘將嚴大報會邊隅之有警恐齋戒之不虔遵改卜之舊章覲如存之陰相

改用獻歲上辛奏告天地宗廟社稷宮觀諸陵橫宮五嶽四海四瀆

天地社稷諸陵橫宮五嶽四海四瀆祝文

說並司

精意聲裡聿修大報觀時行禮允在制宜將款謁于泰壇偶警聞于邊候乃揚中冬之長至更從元日之上辛事契彛章義隨交泰荷天地之垂祐致封疆之教寧用罄純誠協成熙事

宗廟天慶觀報恩光孝觀

詞並同

將講郊社屬聞邊遽易一氣迎長之日就三陽交泰之辰况值上辛實遵祖武惟神眷佑伴遂熙成

別廟安穆皇后祝文

禮謹用郊時維至日改之獻歲粵有舊章尚冀淑靈更加密相

安穆皇后橫宮祝文

祗祓圓壇將隆大報偶邊庭之有警懼齋戒之弗虔改卜元正尚祈陰相

前二日奏告太祖皇帝太宗皇帝配侑祝文

卜壇時于上辛式遵故事推宗祖而並侑誕舉彌文大報有期先事而告仰祈右序用相成休

聖祖天尊大帝元天大聖后祖宗諸后冊文

青詞祝文

並明

前一日朝饗太廟祖宗帝后冊文

內茲宗室冊文

仁皇后  
謹誌

天祚炎圖聖聖繼武盛德必百世祀是之謂流光施及  
菲涼嗣無疆大歷服爰照紫壇初交於神先事一日入  
太室裸駮奔濟濟列陳嘉遑假哉皇祖啟佑我後人永  
緝熙于純嘏

懿節皇后冊文

煜煜管彤卓卓坤極綏予孝子服堯之服上辛改卜禮  
禮神頌祇潔粢廣牡既右饗之兆蒙祉福天下乂安

太廟七祀輶祭嘉會門天地祖宗并太社太



稷九宮貴神冊文祝文

並

大禮畢祭謝諸陵昭慈聖獻皇后橫宮永祐

陵橫宮安穆皇后橫宮表文祝文

並

乾道元年郊祀大禮畢祭謝五嶽四海四瀆

祝文

合祛天地聿修元祀之巖褒對山川咸秩彌文之盛肆  
上儀之獲考荷諸福之來崇敬率彛章用伸欽謝

南嶽南海南瀆祝文

穆卜歲元蒸修郊見惟聖能饗詎惟圭獎之陳靡神弗  
歆而祝嶽瀆之大南海云洽式資幽贊敢告涓成

南鎮會稽山永濟王祝文

卜辛歲首禘祀壇垓俯均宣室之聲先成熙事近望稽

山之鎮已格神游式薦馨香益彰休慶

三年御札降奏告天地祝文

受天之祐誕保于丕基享帝于郊將嚴於大報已飭靈  
辰之吉肇圖熙事之成恭卜先期敢伸虔告

太廟祝文

奉燔于郊宮方修蠲潔之祭受命于祖廟宜致肅雍之  
誠告期之初將禮以薦

別廟祝文

荷皇天之休誕承丕緒迎長至之日將舉上儀欽惟懿  
魄之存監此先時之告

太社太稷祝文

受命于帝方飭嘉壇之祠有功於民當修尊社之報敬

涓昧旦敢告先期

天慶觀報恩光孝觀青祠

三歲親郊日以諏於景至萬靈在上天必相于忱辭瞻列象之尊居肅真廷而先告仰祈孚佑庶格熙成

太一宮祝文

撰嘉薦于尊壇式嚴典祀仰信基于遠宇敢奏前期徽福方新潔誠以告

諸陵並昭慈聖獻皇后橫宮永祐陵橫宮表文

崇崇八陛已卜於親郊望十陵豫申于孝告仰真在天之錫助成事帝之祥

安穆皇后橫宮祝文

肇稱尊燎已練于日特愷念柔儀久稽于宅兆往申肅告仰冀靈懷

五嶽四海四瀆祝文

拜既于郊既卜一純之薦褒時之對用伸三望之誠雖道路之未夷扣威靈而敢告

南嶽南海南瀆祝文

皇天后土方昭成命之靈喬嶽大江允賴明靈之相肅然在望敢不告期

前二日奏告太祖皇帝太宗皇帝配侑祝文  
迎長之至大饗于郊昭天地以合祛奉祖宗而並侑迨茲將禮敢不告期

前二日朝獻景靈宮聖祖天尊大帝冊文

維天佑宋傳序萬年發祥孚休繫我道祖施及冲昧紹  
開慶圖有崇其丘昭享上帝甲子昧爽肇于靈宮殊庭  
沈沈颯御來格錫以多祐仍孫是承

分詣元天大聖后青詞

祇卜元辰恭承嘉祀茲飭靈宮之禮肅瞻聖后之儀敢  
率故常聿陳勞薦庶蒙陰相以迪熙成

分詣祖宗諸帝祝文

將臨泰時光薦祇宮仰惟十聖之威神俯監三年之典  
禮敬祈願饗式右熙成

分詣諸后祝文

嚴祀戒期先時致饗柔儀如在靈施孔容願報來假之  
慈迄迂永饗之佑

前一日朝饗太廟祖宗帝后冊文

宗繼古帝誕受天丕基延鴻溥將孚翼我後肆台小子  
躬迪文命燕九廟之靈嗣無疆大歷服用能以吉月令  
日奉燔瘞于郊宮前期質明入裸太室多士顯相遵亘  
有楚惟我多先哲王在天來顧來靈歛時禧祐於萬斯  
年以懌

別廟懿節皇后冊文

上天有寶命我能受之上皇遺我大寶龜肆我否德纘  
克之服將以明日之吉祇見泰時闕宮有恤懿妣定臨  
之蒙兆景福興宗無極

安穆安恭皇后祝文

謁款郊丘裸將宗廟允懷內德式薦精禋尚覲窈冥

來燕止

以後郊祀樂別  
廟祝文同此

### 太廟七祀祝文

帝臨中壇將飭萬靈之享王假有廟先修七祀之儀張  
帷既嚴潔尊以薦

### 輯祭嘉會門祝文

吉日丙寅國家將展事于南郊萬乘所經惟神是寧導  
迎善氣啟斥耆祥先期告靈其克幽贊

### 昊天上帝冊文

圓穹宣精監照下土剛健丕覆莫神于天皇臨中壇秉  
執端緝崇建有極降之嘉生肆維菲德袞時佑命憲于  
光明寅順帝則大冬景至升煙報功肅雖以將精意享  
盡相我有邦尚克昭享

皇地祇冊文

神靈至德博厚無疆含洪敷大持載萬物上配泰元昭  
明三光右哉冲眇獲承天序迎至之日頌祇于壇肫肫  
孔臨發祉並况蕃釐是將永矢無斁

太祖皇帝冊文

五代八姓腥聞于上帝臨之生我烈祖肇造基緒風  
揮日舒有功於民陟配郊時曾孫繩繩世迪端命昨于  
涼薄獲執圭幣如天之高莫我敢京亘千萬祀其永承  
德

太宗皇帝冊文

天造草昧藝祖開之彼基矣太宗培之合四海為一上  
天載之傳序九世以及冲眇上皇卑之載見泰時並侑



我二后福祿來崇實惟曾孫篤之

分祭太社太稷祝文

社稷之祀國家所尊茲修肆類之儀敢潔享神之報奠報靈况益燕熙成

后土勾龍氏祝文

三十二年七月二十七日  
銘土正改為后土

大事在祀方嚴陽位之郊有功于民莫越社官之配肅雖是聽靈爽其歆

后稷氏祝文

大事在祀方展泰壇之祠有功于民誰如宮稷之配

分命九宮貴神祝文

誕崇元祀方躬八陞之儀敬事大神分初九宮之薦歆維幽絳尚格靈歆

郊祀大禮畢奏謝諸陵並昭慈聖獻皇后橫  
宮永祐陵橫宮表文

尊天親地聿懷報事之誠吉日靈辰誕展就陽之祀荷  
流光之昭監致縉典之涓成仰跋冲游惕仲欽謝更祈  
保佑永迪孚休

安穆皇后橫宮祝文

五嶽四海四瀆祝文

郊祀虔成賴乾坤之大賜幽靈默相惟嶽瀆之至仁逃  
仰明威肅仲昭謝

南鎮會稽山永濟王祝文

圓修肆類已修天地之詞方望昭臨寔有山川之相惟  
神作鎮展禮告靈

乾道六年御札降奏告天地祝文

嗣膺聖緒顧八載之蒙休祗歛郊丘一陽之來復歲合  
祛之禮咸存陟降之誠既敕攸司茲嚴明薦

太廟祝文

欽奉慈詒每懷兢業將嚴郊祭祇見廟庭敢先事以貢  
誠莫在天之垂鑒

別廟安穆安恭皇后祝文

歲當大報禮重親祠嘉與群工共修熙事前期謹飭用  
告明靈

太社太稷祝文

禮重郊祀饗行國右將共修于美報既申戒于先期茲  
用薦誠式昭虔告

天慶觀報恩光孝觀青詞

報隆本祀始貴肅祇念親歿于園丘俟氣萌于陽律既先嚴戒茲薦悃誠

太一宮祝文

蒙二儀之况敢怠祇承修三歲之詞茲伸虔告式嚴明薦庶格神思

諸陵並昭慈聖獻皇后橫宮永祐陵橫宮表  
文

恭臨大寶禮畢泰壇期盼蠻之潛通仰威靈之如在飭躬修報先事告虔

安穆安恭皇后橫宮祝文

闕

五嶽四海四瀆祝文

報神之思禮貴克禋眷川嶽之靈時將咸秩式陳明薦  
用告先期

前二日奏告太祖皇帝太宗皇帝配侑祝文  
順迎圭景將舉郊禋事天地以靈承奉祖宗而陟配先  
期昭告用薦虔恭

前二日朝獻景靈宮聖祖天尊大帝冊文  
赫赫有宗受天明命發祥流祉肇自聖德稷以寡昧紹  
承慶基報本奉先疇敢不愆日至之吉將見上帝前期  
朝獻有飶其香對越在天昭假不違於萬斯年裕後無  
極

分詣元天大聖后青詞

展采陽陔爰舉彝章之舊薦馨闕宇式瞻聖后之尊祈

助休成敢先昭告

分詣祖宗諸帝祝文

一陽將復百禮備成聿修泰時之親祠先謁靈宮之真御仰希昭鑒庶格休嘉

分詣諸后祝文

柔德字休真游降監將歲合祛之禮先修明薦之誠庶祈善祥式昭啟佑

前一日朝饗太廟祖宗帝后冊文

物本乎天人本乎祖自古在昔假廟乃郊粵惟涼德獲纂丕緒爰卜景至大報反始先事祇見裸以圭瓚列聖如俊然肅然蒸享必芬神保是格有秩斯祐于時薦之

懿節皇后冊文

懿範在天徽音有嗣寧神別廟歷年于茲綏于孝子親  
纂堯緒既齊既戒大旅于郊先事薦裸厥有彝典豆蓬  
維楚幣玉惟潔和樂九變誠心是孚其德不回降福來  
格

太廟七祀祝文

禮展崇壇享先太室將舉一王之制首嚴七祀之儀明  
薦式陳靈休允荅

輓祭嘉會門祝文

祇歎中壇夙乘大輅駕由閭闔神寔翼馮致輿衛以安  
行繫明靈之幽贊

昊天上帝冊文

大乾哉元寔祖群物色含偏覆陰臨下民欽惟歷數屬

在冲眇寅威實命不敢怠違歲當躬郊精意以饗高高  
在下聽早恭忱事親保民申以眷佑期懋厥德永承天  
休

皇地祇冊文

直方而大沈潛而剛含生賦形罔不持載猥以寡昧司  
牧黎元夙夜祇畏期贊化育仲冬景至合祭維時有黝  
斯牲有黃斯琮在誠雖孚物則奚稱來顧來佑永綏萬  
邦

太祖皇帝冊文

布昭聖武造我區夏燕及皇天啟佑後人肆惟涼菲獲  
承大器勉勉夙夜懼忝前烈躬執圭幣三熙紫壇思文  
我祖克配以妥鐘石純繹豆籩靜嘉庶其顧歆茂介繁



社

太宗皇帝冊文

天昨炎德二后受之不承文謨無兢武烈積德垂裕逮于冲眇仲冬日至習歲為祥言登郊丘于薦牲玉齊明內竭禮樂外舉神祇來假陟配在上既右伊嘏永言保之

分祭太社太稷祝文

太稷詞同

國右之祀民生所資一陽禮歲於郊丘六府祭先于土穀諒為靈鑒况此休嘉

后土句龍氏祝文

太稷詞同

有德有功配社配稷方郊禋之肅舉絜神鑒之在茲薦以達誠靈其來格

分命九宮貴神祝文

祇通舊章躬修大報既備陳于百禮各祇祀于九宮惟  
奠明靈式昭右序

郊祀大禮畢奏謝昭慈聖獻皇后橫宮并永  
祐陵橫宮表文

卜歲習祥迎陽徧饗既受百神之况亦均四海之聲仰  
賴遺休迄成鉅典稽舊章而致告望拱本以馳情

諸陵安穆安恭皇太后橫宮表文祝文

並闕

告謝五嶽四瀆祝文

天辰觀

維乾道六年歲次庚寅十一月丁丑朔某日皇帝某伏  
為郊祀大禮禮畢告謝謹遣入內侍省西頭供奉官  
李唐弼敢昭薦于五嶽四瀆伏以祇紹鴻基載登圓陞

盛儀丕就決于均歡維協氣橫流本上帝博臨之應而  
美光參燭亦百神陰相之休昭謝有常致誠無斁

郊祀大禮禮畢祭謝南鎮會稽山永濟王祝  
文

迎日之長燔柴泰時荷天眷佑熙事慶成仰止名山近  
臨郊甸恪神昭謝以達誠心尚饗

祭謝五嶽四海四瀆祝文

係道通  
去處

維乾道六年歲次庚寅某月朔日皇帝某伏為郊祀大  
禮禮畢謹遣某官敢昭薦于潭州南嶽司天昭聖帝明  
州東海明順孚聖廣德威濟王廣州南海洪聖廣利昭  
順東海明順孚聖瀆大江昭靈孚應威烈廣源王伏以  
順迎至景肅展嚴禋咸秩百神褒時之對欽惟四望幽

贊上儀報謝有常敢忘其舊尚饗

祭謝五嶽四海四瀆祝文

祭道未  
通去處

維乾道六年歲次庚寅某月朔日皇帝某伏為郊祀大禮禮畢謹遣某官敢昭薦于東嶽天齊仁聖帝西嶽金天順聖帝北嶽安天元聖帝中嶽中天崇聖帝西海通聖廣潤王北海冲聖廣澤王東瀆大淮顯佑昭應長源王西瀆大河顯聖靈源王北瀆大濟清源王伏以悖宗將禮咸秩無文矧惟方望之祠曾是封疆之阻敢告成于熙事莫垂鑒于遐悰尚饗

九年御札降奏告天地宗廟祠文

詞並同

候一陽之來復舉三歲之上儀恭歲合祛將虔修于美報有嚴陟配實祗率于彝章既伸戒于先期敢預陳于

明薦

太社太稷祝文

自頃郊見復茲歲臨既申飭於攸司用嚴修於嘉薦式昭虔告尚鑒其誠

天慶觀報恩光孝觀音詞

禮嚴大報當親三歲之祠國有舊章恭埃一陽之氣攸司既戒先事告虔

太一宮祝文

氣應黃鍾禮行泰時將均釐于四海用咸秩于百神式戒先期敢忘昭告

諸陵表文

禮崇報本日謹迎長當竭款于紫壇爰親祠于清廟既

嚴預告敢薦明誠

安穆皇后安恭皇后橫宮祝文

肩當大報謹飭先期將俟新陽聿修熙事爰申預告茲率厥常

五嶽四海四瀆祝文

國舉兵章歲當大報將復稱于元祀乃咸秩于百神眷川嶽之炳靈率典常而預告

前二日奏告太祖皇帝太宗皇帝配侑祝文  
饗帝于郊配天其澤惟祖功宗德之盛有文謨武烈之存預告吉蠲式嚴並侑

前二日朝獻景靈宮聖祖天尊大帝冊文

於赫我宋受命溥將行慶流光寔緊道祖顧維眇質嗣

守鴻圖肆類郊丘上帝是享先期歲事朝獻有儀奕奕  
闕宮靈荐所御尚真昭假永孚于休

分詣元天大聖后青詞

迅恭明神將嚴上祀祇率異章之舊爰瞻聖后之尊  
丕錫于靈休俾克成于熙事

分詣祖宗諸帝祝文

穆卜天正荐修郊祀欽泰壇而颺燎將展上儀即闕宇  
以薦馨敢忘先事庶臻綏祐迄底休成

分詣諸后祝文

荐習歲祥虔修郊報將克禋于泰時先祇謁于靈宮庶  
格休嘉庸昭啟佑

前一日朝饗太廟祖宗帝后冊文

天祚炎德神器有歸以聖經明宜百世祀屬茲寒昧寅  
紹丕基宵旰靡寧未知攸濟建用皇極思念永圖維時  
仲冬躬執圭瓚先見清廟爰熙紫壇來顧來歆曾孫之  
慶

別廟懿節皇后冊文

富有天下必寧其親永言孝思別廟是享彤管有美徽  
音如存三歲而郊以反物始情與文稱裸獻宜先遵豆  
靜嘉牲牲豐潔樂以象德禮備稷容神其顧歆降以遐  
思

太廟七祀祝文

迎長圭景歲事郊丘將成秩于百神用載嚴於七祀庶  
歆明薦輔輯嘉祥



輓祭嘉會門祝文

天子萬乘將即於郊丘君門九重初臨于闔闔爰稽祀典庶格神休

昊天上帝冊文

莫神于天為群物祖孰尸造化上帝所臨三光既全四時迭運自形自色歲功以成顧予眇躬誕膺保命小心翼翼昭事靡忘拜況于郊敢不齋栗庶蒙降鑒傳序無窮

皇地祇冊文

地職持載曰惟乾元德靜而方含洪光大肆以涼菲主名山大川錫美儲休靡受其實九疇攸叙六府用修配天同功難窮造化爰舉舊典交神泰壇既右饗之與宋

無極

太祖皇帝冊文

五季紛披民墜塗炭天造草昧肇啓有邦是生聖人克  
肖厥德靈旗所指乾清坤夷言念眇躬獲承大寶夙夜  
祇懼弗遑康寧屬茲郊社陟配上帝申錫純嘏用保惠  
于無疆

太宗皇帝冊文

真人龍翔寔基帝業授我文祖卒其伐功氛祲廓然海  
內混一世繼大統施及冲人寅畏歷精懼德弗類卜以  
日至祀于國陽對越在天有嚴陟配福祿來下子孫保  
之

分祭太社太稷祝文

太稷詞同唯  
五土云五穀

禮奉郊禋祀嚴國右助修六府之政曰維五土之神美報在茲承休無斁

后土句龍氏祝文

后稷氏詞同

社稷之重土穀是司矧于民而有功宜配神而侑食屬茲美報維以薦誠

分命九宮貴神祝文

神靈所含福應遒臻屬三歲之親祠嚴九宮之盛祀導迎善氣嘉賁含生

郊祀大禮畢奏謝諸陵表文

肇禋吉土合覆載以靈承遙睇故陵痛煙塵之杳隔既跋緝禮寔賴遺休敢陳奏謝之儀終真願歆之惠

昭慈聖獻皇后橫宮永祐陵橫宮安穆安恭

皇后橫宮表文

並闕

五嶽四海四瀆祝文

郊祀天地爰頌于周詩望秩山川參稽于虞典茲告成於熙事寔有賴于神休遐想威靈敢忘昭報

南嶽東海南海南瀆祝文

圓丘方澤禮嘗謹于合祛名山大川祀寔存于舊典迄底熙成之慶厥惟陰相之多四望所臨一純是薦庶伸昭謝尚格餘休

南鎮會稽山永濟王祝文

順迎日至恭展郊禋荷上帝之儲休自百靈之默相惟王廟食作鎮稽山敢薦忱辭式嚴報禮

淳熙三年御札降奏告天地祝文

萬物之生皆本乎天地五禮之祭莫重乎郊丘將備三  
歲之文恭展二儀之報敢伸昭告庸示虔誠

太廟祝文

爰熙紫壇將歲合祛之禮於穆清廟敢忘昭告之誠既  
涓選于休成用肅恭于明薦

別廟安穆安恭皇后祝文

一陽來復三歲親禋雖踵彝章竇伸大報是用昭薦其  
監于誠

太社太稷祝文

國有明禋將修郊類時維太社寔列地示既廟戒于先  
期肆預伸于昭示

天慶觀報恩光孝觀青詞

展泰時之親祠將修美報歷天正之景至誕舉丕彝敢  
先事以告虔庶鑒誠而孚佑

太一宮祝文

禮重合祛祀嚴升脩前卜一陽之吉將伸肆類之儀于  
以告虔亦惟孚鑒

諸陵表文

因吉土以親禋已涓剛日望諸陵而增慕益竭孝思預  
仲薦告之儀仰冀明靈之鑒

昭慈聖獻皇后櫝宮永祐陵櫝宮安穆安恭  
皇后櫝宮祝文表文

並闕

五嶽四海四瀆祝文

行於郊廟將修親祀之嚴望于山川仍舉因方之典潔

獨以告昭監于誠

前二日奏告太祖皇帝太宗皇帝配侑祝文  
天施地生被萬方而不宰祖功宗德垂百世以無窮緊  
勲烈之同符宜郊祠之並侑預伸懇悃仰俟監觀

元天大聖后祖宗諸帝后青詞祝文

並闕

太廟七祀祝文

輓祭嘉會門祝文

肅陳法駕將展郊禋必有警衛之神克嚴閤閉之守爰  
伸輓祭益介靈休

分祭太社太稷九宮貴神祝文

並闕

郊祀大禮畢奏謝諸陵表文

時巡南服修吉祭崇望之恭地隔西陵動烹蒿悽愴之

感孝熙告備明發興懷遙伸奏謝之文庶格乎休之應  
昭慈聖獻皇后橫宮永祐陵橫宮安穆恭皇  
后橫宮表文祝文並  
五嶽四海四瀆祝文  
燔柴望秩虞類畢休血祭靈沈周儀備舉雖神靈之咸  
享或限域之未通敢用薦誠併伸歸報

南鎮會稽山祝文闕



中興禮書第三十三卷

吉禮三十三

郊祀祝冊表文祝文四

淳熙十二年御札奏降告天地祝文

伏以兩儀之造率育群生三歲之禋邁嚴大報順迪初陽之吉度修肆類之誠禮咸備于合祛誼參褒于升侑陟降左右罔有弗恭上下神祇庶幾來宴仰伸丹悃祇告先期

宗廟祝文

伏以禮嚴元祀報本惟虔序迪初陽歲儀斯備真獲靈存之顧益垂廟祐之休天地合祛誕承于並况祖宗升侑迄荷于綏成茲告先期用昭誠悃

別廟安穆皇后安恭皇后祝文

禮典之嚴親祠惟重將因亞歲祇見園丘大號既孚先期以告

太社太稷祝文

伏以祇欽祀典缺被郊丘將近新陽聿修盛禮神司五土太稷曰福庇群元茲舉上儀盍伸預告

天慶觀報恩光孝觀青詞

伏以三歲一郊稽彌文而具舉園壇八陞歲大報以昭升奠默介于靈休俾迄成于熙事仰陳先告祇達忱衷

太一宮祝文

伏以國之祀典莫重于郊迺飭親祠合祛上下順迎長日之至寅舉園丘之儀茲告先期尚垂嘉貺

諸陵櫝宮表文

伏以三歲親祠兩儀並况順黃鍾之通氣薦紫時之明誠敢預告於在天庶允孚于卜日

安穆安恭皇后櫝宮表文

氣肇一陽祀嚴三歲將肅乘于齊輅庸祇見于崇丘諏日既孚先期以告

五嶽四海四瀆祝文

道路未通

伏以陽琯方新郊禋載舉將肅臨于壇壝爰親執于幣珪逸我山川之靈宜先時日之吉

南嶽東海南鎮南海南瀆

路通

伏以肅成元祀祇迪新陽將躬謁于圓丘庶函蒙于鴻祐惟山川之在望宜時日之預聞

前二日奏告太祖皇帝太宗皇帝配侑祝文  
伏以恭展郊禋恪遵典禮稽尊祖敬宗之誼昭承天順  
地之功茲用告期並嚴陟配

前二日朝獻景靈宮祖聖天尊大帝冊文

伏以天命有宗統輯萬方璇源發祥肇自道祖維祖流  
慶曷奕曼美施于乃後寔鴻祐休翼翼菲躬罔敢暇逆  
崇丘類帝庶幾博臨靈祚在宮先日歲禮所臻美貺介  
以永年

分詣元天大聖后青詞

伏以大道統人衍慶源于聖后明禋見帝肇嘉薦於靈  
宮涓休長日之迎至敬先期之奉奠垂孚祐迄俾熙成  
分詣中殿祖宗諸帝祝文

伏以天正協吉帝况垂休泰時精裡將嚴于報本靈宮  
嘉薦允穆于綏成祈獲神庥迄明祀事

分詣後殿祖宗諸后祝文

亞歲涓修明裡拜况稽于彝典夙欽靈宇之荐饗以先  
期茲穆柔儀之聽祈歆嘉薦用秩彌文

前一日朝饗太廟祖宗帝后冊文

赫赫皇運誕啟我家奕世繼承並受伊嘏仁深澤溥春  
熙海涵薦慶有開被以懿鑠逮茲涼德罔敢怠遑躬蒞  
郊裡肅遵升侑先期協吉假廟薦誠聿來顧歆彌紹景  
福

別廟懿節皇后冊文

伏以皇家行慶誕輔令圖丁辰熙明祇翼大報禮先宗

祐有倫有經裸獻肅雖不秩容典別廟攸止孝愛不忘  
言觀徽音詒範彤史孚佑于後載錫之光迄被蒙庥克  
祀克饗

分詣別廟安穆皇后安恭皇后祝文

謁款郊丘裸將宗廟允懷內德式薦精禋尚覲窈冥聿  
來燕止

太廟七祀祝文

伏以郊丘歲事假廟先期德馨將感于三神禮典偏修  
于七祀庶其協相歆我純誠

輟祭嘉會門祝文

肅陳三架躬修泰時之詞洞闢九門行歷嚴闈之守神  
其率職我有薦芳

郊祀昊天上帝冊文

伏以於皇上天監觀于下迺眷丕后惠綏黎元越茲菲躬夙夜敬止家邦咸慶農畜登豐爰照紫壇祇藏大報初陽拜况親執幣珪祉福函蒙罔敢專鄉誕維佑右申錫無疆

皇地祇冊文

伏以維地盖厚仁育群生乃順承天並右有德丕集洪慶于家于邦迄於康年中外邕穆神丘昭報上下合祛奉盛執犧奠獻蠲潔明祇來顧降福孔皆肆克保之永承嘉祀

太祖皇帝冊文

伏以巍巍令序我祖肇之靈德在天垂裕厥後肆惟續

紹懼弗克任夙夜兢兢罔敢怠忽乃受帝社慶集我家  
爰及豐年四外寧謐園丘郊報陟配有常惟億萬年丕  
奉光烈

太宗皇帝冊文

伏以聖緒相傳克創克守咸有盛德胥濟厥勳簡于帝  
心哀對景命昭哉眷佑曾孫篤慶誕修精禋祇報嘉貺  
崇丘歲事升配彼天奠獻孔明盱鑿斯答既受伊祐敷  
于四方

分祭太社太稷祝文

伏以順迪初陽肅修大報偏秩諸祀之禮尤崇五土太  
稷曰百之神爰分薦于令芳庶益敷于休慶

后土勾龍氏祝文



伏以躬展明禋分修群祀維神有德在民宜歆配食之  
祠益介永年之祚

分命九宮貴神祝文

伏以國之大事莫嚴三歲之郊天之貴神寔重九宮之  
祀屬明禋之親拜飭備物以分祠庶克來歆永承孚佑  
大禮畢奏謝諸陵表文

伏以園壇八陛因吉土以象天三歲一郊順初陽而饗  
帝祇拜靈旂之况肅涓熙事之成序適協于晏溫佑寔  
通于盱瓘惕瞻仙寢近在稽山資奏牘之昭陳期謝悰  
之祇達尚宏垂裕益永承休

祭謝五嶽四瀆四海

路未通

伏以亞歲開祥明禋歲禮祇荷薄臨之况迄成熙備之

儀逸我山川孚于盥蟹克垂休而陰相特修報以昭陳

南嶽南海南瀆道通處

伏以園丘親饗綉典備成集穹壤之靈休賴山川之陰  
相神人和悅天日晏溫祇薦令芳庸修報禮

南鎮會稽山永濟王

伏以涓吉初陽修祠大報荷兩儀之昭假暨百禮之熙  
成乃眷靈明定為鎮固爰伸芳薦式展謝誠

中興禮書第三十四卷

吉禮三十四

郊祀儀注一

紹興十三年八月二十六日禮部太常寺言昨紹興十  
年明堂大禮并前二日朝獻景宮前一日朝饗太廟行  
禮儀注並係太常寺修定申請所有今來郊祀大禮逐  
處行禮儀注欲乞依例從本寺修定申請施行詔依

十一年九年依例申請自二十  
二年以後並檢舉閱核

二十九日禮部太常寺言今來郊祀大禮前一日朝饗  
太廟依儀戶部陳諸州歲貢於宮架南龜為前列金次  
之玉帛又次之餘為後東西相向本寺契勘即日太廟  
殿前地步與在京不同兼所設宮架南至南神門所有

將來合設歲貢欲乞令戶部于南神門外隨地量行陳

列詔依

此後做

九月十七日御史臺太常寺問門言今同共條具下項  
一今來郊祀大禮前二日朝獻景靈宮依已降指揮  
依四孟禮例皇帝乘輦詣宮行禮依禮例宰執使相行  
事執事陪位官合從駕者常服從駕至宮各服其服趨  
赴行事陪位立班如不係從駕至官若差充景靈宮行  
事執事并陪位官是日先赴景靈宮樞星門外常服再  
拜奉迎訖各服其服趨赴行事陪位立班候行禮畢應  
合從駕官常服從駕至太廟若充太廟行事執事官并  
陪位官不係從駕官是日常服先詣太廟樞星門外以  
後再拜奉迎訖各赴幕次宿齋 一前一日朝饗太廟

行事執事部位官是日各服其服趨赴行事陪位立班候畢禮依儀皇帝乘玉輅詣青城其宰執使相侍從兩省正任并監察御史各服朝服於輅前分左右騎導外如不係導駕官若差充南郊行事執事官并陪位官常服先赴青城泰禋門外再拜奉迎訖各赴幕次宿齋

一行事執事陪位立班候禮畢依儀皇帝乘大輦詣青城端誠殿前降輦次文武百官宗室常服詣殿前以候立班稱賀畢內不係導駕合赴門下立班官各常服先赴行宮南門外以候再拜奉迎訖次赴肆赦立班訖退詔依

十月十六日閣門言禮部關今來郊祀大禮依議樞密以下先詣垂拱殿起居其前導一節乞下閣門看詳奉

詔垂拱殿起居臣僚免起居導駕並先歸侍立位

十六年十月十六日禮部太常寺言今來郊祀圓壇並景靈宮太廟行禮儀注內比紹興十三年有增添禮儀合行修定申請如圓壇太廟添設籩豆并逐處差押樂太常丞之類並于今來儀注內修入詔依

二十二年十一月六日太常寺言勘會今來郊祀大禮依儀禮畢皇帝登門肆赦依禮例樞密詣御座東以候承旨宣立金鷄以次執政官合作班首詔依

二十五年十月六日閣門奉詔將來郊祀大禮垂拱殿起居臣僚免起居導駕並先歸侍立位管軍大內留守行宮使御營巡檢令大慶殿迎駕起居

自此後  
做此

隆興二年七月二十二日禮部太常寺言將來郊祀大

禮前一日朝饗太廟皇帝合詣別廟懿節皇后室行禮  
所有郊祀大禮并前二日朝獻景靈宮行禮儀注別無  
更改依得紹興二十八年儀注外其前一日朝饗太廟  
別廟儀注欲乞從太常寺參昭修定一就閱報詔依

十二月二十四日御史臺閣門太常寺言檢准今年閏  
十一月二十九日已降指揮今後合班去處如宰臣請  
假依在京舊例移親王一員過東班押班過拜表令執  
政官一員轉表勘會將來郊祀大禮畢端誠殿稱賀麗  
正門肆赦依儀係宰臣并文武百僚立班班首奏聖躬  
萬福出班致詞稱賀內端誠殿舍人當殿通文武百僚  
宰臣以下姓名起居稱賀三公通其肆赦係於赦書宣  
付班首以授刑部尚書所有端誠殿稱賀并麗正門肆

赦如至時宰臣請假或免赴欲依已降指揮移親王一員過東班神班及奏聖躬萬福出班致詞外其端誠殿稱賀欲乞令舍人當殿通文武百僚親王某官以下起居稱賀并麗正殿肆赦以赦書宣付班首轉授欲依拜表體例乞宣付從上執政官一員轉授詔依

乾道六年十月三日權禮部尚書劉章等劄子准乾道六年九月二日已降指揮郊祀並用五輅大安輦一如舊儀今具申請事件數內將來郊祀大禮畢車駕還內輦輅前侍中參知政事奏請升降傳制進發等欲乞依紹興等二十八年儀注從太常寺修定闕報詔依

九年十月十八日禮部太常寺言秘書省著作郎兼權禮部郎官蕭國梁劄子伏覩國之大事在祀而郊祀尤



為大也郊祀前一日期饗太廟三獻之禮自有明文宜無異同之論可也今議者援紹興三十二年十二月三日已降指揮將逐時祭饗亞獻既入太室即引終獻相繼行事欲于今次郊饗比附施行竊考開寶通皇帝初獻訖還版位西向立文舞出武舞入立定次禮直官引亞獻訖還位次引終獻又考政和五禮新儀皇帝初獻訖將詣小次引亞獻亞獻行禮將畢次引終獻如開寶之禮亞終獻行事於復位之後如政和之禮則亞終獻行事於將畢之初皆禮成樂備未嘗過為之節也今議者病於時刻頗多有司侍祠不勝其久恐有顛仆之患必欲亞獻入太室即引終獻相繼行此雖欲以便人而簡宗廟之過恐自此始使人利小簡宗廟之過大恐非

所以訓臣子而尊祖宗記曰宗廟之威而不可安也又曰宗廟之中未施敬於民而民敬蓋謂其主敬有素將以教民反始不敢不致其極也前此白劄子乃一時臣僚申請朝廷未嘗下有司討論今用之時饗已為非宜況復用之郊饗乎且如白劄子所引開寶通體時饗之儀云亞獻將畢而終獻已升此亦候其將畢而行事也若欲入太室即引終獻豈不戾通禮本旨哉太室乃今第三室也十一室奕奕然合於一室之上假令三室的獻已訖未踰四五室而終獻者已升矣執事者迫感於堂戶之間禮文不肅豈所謂容與薦嘉觴者乎其不可者一也又有獻必有樂卒爵而後樂闋今亞終獻樂舞雖同而其作有始其成有終不可亂也若使之相繼行

事雜然於酌獻之間則其為樂舞者不知亞獻之樂耶  
終獻之樂耶其不可者二也行是一說而禮樂皆失異  
時著為典獻恐未能免議者之紛紛也區區管見竊謂  
若依逐部亞獻行禮復位方引終獻恐失于太拘若今  
來所乞亞獻既入太室即引終獻相繼行事恐失于太  
感惟政和新儀皇帝將詣小次禮直官太常博士引亞  
獻詣盥洗位亞獻行禮將畢次引終獻此為適中欲望  
特賜詳酌施行庶幾不失經常不趨苟簡斯禮文之大  
幸也後批送禮部同太常寺指定申尚書省今指定欲  
乞侯亞獻行禮將畢即引終獻升殿行禮合添差太官  
令一員酌終獻酒行禮詔依

淳熙三年十一月九日詔端誠殿稱賀太史局免奏祥

瑞

親祠前期朝獻景靈宮

紹興元年四月明堂前

泗州降祝丹遣官分詣行禮七年十月明堂就常御殿  
聖祖天尊大帝位車駕親行朝獻之禮至十二年明堂  
神御赴行在自慶郊祀並親行朝獻三十一年明堂以  
神御赴行在自慶郊祀並親行朝獻三十一年明堂以  
飲余服制違大比攝事乾道元年朝獻三十一  
熙六年九月初

堂行禮如初

陳設省饌車駕自大慶詣景靈宮奉玉

幣薦饌望燎

中興禮書第三十五卷

吉禮三十五

郊祀儀注二

親祠前期朝饗太廟別廟結時太廟元年四年明堂

降祝冊遣官行禮五年迎奉神主赴行在七年

祭之禮三十一一年明堂以欽宗服制遣親王攝

事乾道元年至淳熙三年郊祀淳熙六年九年

禮明堂初行陳設 車駕自景靈宮詣太廟 省牲器 晨

裸 饋食

陳設

前朝饗三日儀鸞司設大次於太廟東神門外道北南向小次於阼階東稍南西向又設文武侍臣次於大次

之前行事助祭官室宗及有司次於廟之內外設東方

南方客使次于文官之後西方北方客使次于武官之

後各隨地之宜設饌幔於南神門外每至饌幔各一乾

本節皇后室饌幔設于又設七祀次一于殿下橫街之北

道西東向又設配饗功臣次于殿下橫街之南東西相

向每室配饗功臣前饗二日宮闈令帥其屬掃除廟之內

外開瘞坎於殿西階之東南方深取足容物南出陞太

常設七祀燎柴于南神門外光祿牽牲詣祠所太常陳

登歌之樂於殿上前楹間稍南北向設官架于庭中立

舞表于鄭綴之間戶部陳州歲貢于宮架之南神門外

隨地之宜東西相向前饗一日奉禮即禮直官設皇帝

位版于阼階上飲福位于東序俱西向贊者設亞終獻

位于小次南稍東助祭親王宗室使相在其南進幣爵

酒官受爵酒官奉幣官薦牛俎官薦羊俎官實饌水官

薦豕俎官增沃饌水官受幣官盥洗奉爵官奉瓚盤官

舉冊官七祀獻官在助祭宗室使相之南並西向北上

大禮使位於西階之西稍南與亞終獻班相對行事光祿卿讀

冊官光祿丞功臣獻官在其西光祿丞以下皆稱卿執事官位於

其後助祭宰臣親王使相位在大禮使之南執政官在

其西又設監察御史位二于西階下俱東向北上奉禮

郎搏黍太祝太官令于東階下西向北上協律郎位二

一于殿上磬虞西北一于宮架西北俱東向終興十六年添押樂

太帝丞于登押樂太常卿於宮架之北良醞令位於尊

彝所俱北向薦香燈官宮闈令于室內北向西上又設

助祭文武羣官宗室位於橫街之南東西相向諸方客  
使位於廟門之外隨其方國光祿陳牲於東神門外當  
門西向以南為上祝史各位於牲後太常設省牲位於  
牲西大禮使進幣爵酒官受爵酒官奉幣官受幣官盥  
洗奉爵官奉瓚盤官於道南北向西上七祝配饗功臣  
獻官在其後薦牛俎官眡滌濯官實鑊水官眡脰熟節  
官增沃鑊水官押樂太常卿光祿卿讀冊舉冊官總與十六  
年於太光祿丞奉禮協律郎搏黍太祝太官官闈令位  
常丞於道北南向西上凡數光祿丞以下位皆稱却監察御  
史位二在薦俎官之右具稍却光祿設禮饌於東神門  
外道北南向太常設禮饌位版于禮饌之南大禮使進  
幣爵酒官受爵酒官奉幣官受幣官盥洗奉爵官奉瓚



盤官位在南北向西上七祀配饗功臣獻官在其後監

察御史位二在西東向薦牛俎官眡滌濯官實饗水官

眡腥熟節官增沃饗水官押樂太常卿光祿卿讀冊官

舉冊官

始興十六年  
添太常丞

光祿丞奉禮協律郎持黍太祝太

官宮闈令位在東西向北上禮部帥其屬設祝冊案於

室戶外之右司尊彝帥其屬設幣篚於酌尊所次設邊

豆簋簋之位每室

乾道元年  
添別廟

各左十有二邊右有十二

豆俱為三行

始興十六年  
添作左二十有

豆為四行俎三二在邊

前一在豆前又設俎九在豆右為三重登一在邊豆間

鉶三皆有柶在登之前簋二簋二

始興十六年  
添作簋簋八在邊

豆外三俎間簋在左簋在右設鹽炭於室戶外蕭蒿稷

黍於其後又設毛血槃肝腎豆於室戶外之左稍前設

尊羹之位每室各尊羹一黃羹一皆有舟著尊二壺尊

二皆有罍加勺罍為酌尊山尊犧象尊各二皆有罍加

罍設而酌俱北向西上太常設七祀位於殿下橫街

之北次內司今戶庭中又設配饗功臣位於橫街之南

次內釋王趙晉周王曹彬位於南街之南道西東向太

李沆太師王旦太師李燧位於西又設司徒轉琦太師

曾公亮於橫街之南道東向西又設司徒轉琦太師

太師司馬光位於其東太師韓忠彥位於其東俱

位左二籩右二豆俎一在籩豆前籩一籩一在俎前籩

在左籩在右爵一次之象尊一在籩前加罍又設俎三

於南神門外每設饌幔內設御盤匝於階上供進盤匝

悅中內侍位於皇帝版位之後分左右本盤者北向奉

向又設亞終獻盥洗爵洗於階下本位之北盥洗在東爵洗在西

壘在洗東加勺篚在洗西南肆實以中若爵洗之篚大則又實以爵

大官令盥洗於西階下七祀配饗功臣獻官盥洗各於

神位之前七祀及配饗功臣位前盥洗各一壘勺篚中各設於左右執

壘篚者位於其後饗日未行事前太廟宮闈令開帥其

屬整拂神幄如常儀司尊彝入設祭器太府卿率其屬

入陳幣於篚幣以白光祿卿帥其屬入實豆豆簋簠與

十三年用十二選豆徐選三行以右為上第一行形

在前魚脯稌飯粉黍次之第二行鹿脯次之豆三行以

乾羹次之第三行菹菹在菹菹在菹菹在菹菹在菹菹

為上第一行芹菹菹在菹菹在菹菹在菹菹在菹菹

燕豆在前食魚菹菹在菹菹在菹菹在菹菹在菹菹

行以右為上第一行魚菹菹在菹菹在菹菹在菹菹



前庭醫次之。禮實以羊豕。腥肉蓋實以糗。豆實以黍。粢。一。黍。粢。一。實。以。清。酒。

太常設燭於神位前。設大禮使以下行事。執事官揖位。位於東神門外。如省牲之位。設望瘞位於瘞坎之南。如省饌之位。儀駕司設冊幄於南神門外。隨地之宜。前饗。一日。學士院以祝冊授通進司。進御書訖。降付尚書禮部。

### 車駕自景靈宮詣太廟

前饗一日。皇帝於景靈宮朝獻畢。既還。大次禮部郎中。奏解嚴訖。皇帝入齋殿。文武侍祠行事。執事助祭之官。宗室非從先詣太廟祠所。其曰禮直官宣贊舍人引禮部侍郎奏請中嚴。少頃。又奏外辦。皇帝服靴袍。自齋殿詣大次行門。禁衛諸班親從等。諸司祇應人員以下迎。

駕奏聖躬萬福次知客省事以下樞密都承旨以下知  
內侍省事以下帶御器械官應奉祇應通侍大夫以下  
武功大夫以下及幹辦庫務文臣一班迎駕奏聖躬萬  
福候皇帝即御座從駕宰執使相一班次管軍臣僚並  
奏聖躬萬福皇帝乘輿出景靈宮樞星門將至太廟御  
史臺閣門太常寺分引文武侍祠行事執事助祭之官  
宗室於太廟樞星門外立班再拜奉迎訖退皇帝乘輿  
入樞星門至大次降輿以入簾降侍衛如常儀宣贊舍  
人依旨勅羣官各還次

省牲器

省牲之日未後二刻官闈令帥其屬掃除之內外司尊  
彝帥執事者以祭器入設于位

凡設祭器皆藉以  
席筵豆又加中蓋太府

卿入陳幣於籩

告謀畢

未後三刻禮直官贊者分引大

禮使以下並服常服詣東神門外省牲位光祿卿丞與

執事者牽牲就位禮直官贊揖贊者引押樂太常卿入

行樂架

凡亞終賦行事皆禮直官太常博士引大禮使

事皆禮直官贊者引

次引祗滌濯官入升自西階祗滌濯

凡行事執事官升降皆自西階應奉階升降次引申祗

滌濯官申祗滌濯執事者皆舉罍以潔俱退復位禮直

官稍前曰告潔畢請省牲次引省牲官稍前省牲訖退

後位次引光祿卿出班巡牲一匝西向躬曰克曰備次

引光祿卿丞出班巡牲一匝西向躬曰臚俱復位禮直

官稍前曰省牲畢請就省饌位揖訖引大禮使以下各

就位禮直官贊拊有司省饌俱畢禮直官贊省饌畢揖

訖俱還齋所光祿卿丞及執事者以次牽牲詣厨授太  
官令次引省鼎鑊官詣厨省鼎鑊視濯洗次引實鑊水  
官詣厨實鑊水次引增沃鑊水官詣厨增沃鑊水協律  
郎展視樂器及還齋所脯後一刻太官令帥宰人以鶩  
刀割牲祝史各取毛血實於槃又取脾腎實於登俱置  
饌所遂烹牲官闈令帥其屬掃除廟之內外

晨禱

饗日丑前五刻

行事用丑時七刻

官闈令開室帥其屬掃除禮

部奠冊於案太府卿入陳幣光祿卿入實籩豆盞蓋太  
官令入實俎良醞令入實彛及尊彛樂正帥工人工舞  
以次入與執尊彛籩器者各就位執事官各入就位次  
御史臺閣門宣贊舍人太常寺分引文武助祭官及宗



室客使贊者引薦羊俎官以下宗室各入就位禮直者  
贊者分引大禮使以下行事執事官詣廟東門外揖位  
立禮直官贊揖訖先引監察御史按視殿之上下糾察  
不如儀者降階就位次引大禮使以下各就位皇帝服  
通天冠絳紗袍至大次禮儀使樞密院官太常卿閤門  
官太常博士禮直官分立於大次位之左右引禮部侍  
郎詣大次前奏請中嚴少頃又奏外辦符寶郎奉寶陳  
於宮架之側隨地之宜禮儀使當次前俛伏跪奏禮儀  
使臣某言請皇帝行事奏訖俯伏興還侍位禮儀使奏  
簾捲皇帝服充冕以出侍衛如常儀禮儀使以下前導  
至東神門外殿中監跪進大圭禮儀使奏請執大圭前  
導皇帝入自正門侍衛不應入協律郎跪俛伏舉麾興

工鼓祝宮架乾安之樂作皇帝升階行止至階下偃

麾戛敔樂止凡樂皆協律郎跪伏擊麾興工升自阼

階大禮使從禮使皆從登歌樂作左右侍立禮使皆

版位西向立樂止禮儀使以下分左右侍立禮儀使皆

祖室神位前西向立奉瓊盤官升詣皇帝版位前奉瓊

盤北向立次引奏奉神主官詣皇帝版位前俛伏跪奏

奉神主奏訖俛伏興退祠祭官於殿上承傳曰奉神主

次引薦香燈官揖笏於祔室內奉帝主設於座奉神主

內於几後設於座後以白羅巾覆之執笏退復位次引宮闈令奉後主

如上儀中復之退復位次引奏奉神主官詣皇帝版位

前俛伏跪奏奉神主訖奏訖俛伏興退禮儀使前奏有

司謹具請行事又奏請再拜贊者曰再拜在位者皆再拜訖次內侍各執盤匱悅中以進宮架樂作禮儀使奏請皇帝搢大圭盥手內侍進盤匱沃水皇帝盥手又奏請悅手內侍進巾皇帝悅手訖又奏請皇帝洗瓚奉瓚盤官進瓚內侍沃水皇帝洗瓚又奏請拭瓚內侍進巾皇帝拭瓚訖樂止又奏請執大圭奉瓚盤官奉瓚盤詣僖祖室尊彝所西向立以瓚涖也執彝者舉幕良醜令酌爵也訖先詣次室尊彝所北向立禮儀使前導登歌樂作皇帝入詣僖祖室北向立樂止禮儀使奏請搢大圭跪奉瓚盤官奉瓚盤西向以瓚授奉瓚官奉瓚官西向跪以進禮儀使奏請執瓚皇帝執瓚以毫裸地奠瓚奉瓚官受瓚以授奉瓚盤官奉瓚盤官以盤受瓚訖俱

詣次室以俟禮儀使奏請執大圭俛伏興前導皇帝出

戶外北向立又奏請再拜皇帝再拜訖禮儀使前導皇

帝詣翼祖室紹興三十二年遷次詣宣祖室太祖室真

宗室仁宗室英宗室神宗室哲宗室徽宗室乾道元年

已遷宗室紹興三十二年遷裸鬻並如上儀訖乾道元年

廟至別廟禮儀使以下前導皇帝降白東側皆登歌樂

階下樂止皇帝升自階登歌樂作至殿上樂奉瓚官

奉瓚盤官俱降復位良醞令還尊所禮儀使前導皇帝

還版位降句阼階登歌樂作至殿下樂止宮架樂止至

太廟殿東側階下樂止登歌樂作至版位西向立樂止

宮架作興安之樂文德之舞九成止太官令取肝以鬻

刀制之洗於鬻鬻貫之以管燎於爐炭次引薦香燧官

太別祝以肝膋入詔神於室又出以墮祭於室戶外之

左三祭於茅苴俱降詣盥洗位盥手悅手升復執事位

### 饋食

饗日有司陳鼎三十有三乾道元年於神厨各

鑊右太官令帥進饌者詣厨以七升牛於鑊實於一鼎

肩胛一短脇一脊一直脊一橫脊一次升羊如牛升豕

如羊各實於一鼎每室一牛皆設局冪祝史對舉入室

設於每室饌慢內次引視腥熟節官詣饌所視腥熟之

節俟皇帝晨裸畢還位樂祝史抽局委於鼎右除冪加

匕畢於鼎大官令以匕升牛載於一俎肩胛在

中腸在次升羊及豕各載於一俎其載如牛每室及別

一俎次引薦牛薦羊薦豕俎官搯笏奉俎以入太官令引

入正門宮架豐安之樂作由宮架東至橫街折方進行

陳於西階下北向北上薦俎官搯笏奉俎以升執事者

各迎於階上薦俎官詣僖祖室神位前北向跪奠先薦

牛次薦羊次薦豕各執笏伏與有司設牛羊豕俎於

腸胃膚之前牛在左羊在中豕在右詣次室奉奠並如

上儀乾道元年公入別廟登殿作肅安之樂樂止俱降復位內執事官降西側階出

神門次引薦香燈官取蕭蒿合黍稷櫛於脂燎

於爐炭又當饋熟之時取菹櫛於醢祭於豆間三又取

黍稷肺祭如初皆藉以茅列廟太祝以各還尊所次引奉幣

官進幣官受幣官受爵酒官進爵酒官升詣僖祖室奉

幣官進幣官受爵酒官進爵酒官在東西向北上受幣

官在西東向次引奉爵酒官外殿詣皇帝版位前奉爵

北向立內侍各執盤匱悅中以進宮架樂作禮儀使奏請皇帝拈太圭盥手內侍進盤匱沃水皇帝盥手又奏請悅手內侍進巾皇帝悅手訖又奏請皇帝洗爵奉爵酒官進爵內侍沃水皇帝洗爵又奏請拭爵內侍進悅皇帝拭爵訖樂止又奏請執大圭奉爵酒官受爵奉爵詣倍祖室的尊所西向立執尊者舉幕良醞令酌著尊之醴齊訖先詣次室的尊所北向立禮儀使前導登歌樂作殿中監跪進大圭禮儀使奏請拈大圭執鎮圭前導皇帝入詣倍祖室樂止又奏進執大圭奉爵酒官爵受奉爵詣倍祖室的尊所西向立執尊者舉幕良醞令酌著尊之醴齊訖先詣次室的尊所北向立禮儀使前導登歌樂作殿中監跪進鎮圭禮儀使奏請拈大圭執

鎮圭前導皇帝入詣僖祖室樂止宮架作基命之樂祖

室大順之樂為侏狝室自乾道元并不用此樂室祖室

天元之樂太祖室武之樂太宗室大定之樂真宗室

照文之樂仁宗室美成之樂英宗室洺陽之樂神宗室

大明之樂哲宗室重光之樂徽宗室承元之樂乾道元

年公入執宗瑞慶之樂及別廟文舞作內侍先設繅藉

於地禮儀使奏請跪奠鎮圭於繅藉執大圭俛伏興又

奏請搢大圭跪次內侍跪取幣於篚以授奉幣官奉幣

官受進幣官進幣官西向跪以進禮儀使奏請受幣皇

帝受奠訖受幣官東向跪受以興還置於篚次奉爵酒

官以爵授受爵酒官受爵酒官授進爵酒官進爵酒官

西向跪以進禮儀使奉請執爵皇帝執爵祭酒三祭于

奠爵受爵官以爵復於坫禮儀使奏請執大圭俛伏興

前導皇帝出戶外北向又奏請少立樂止奉幣官進幣



受幣官奉爵酒官受爵酒官進爵酒官俱詣次室內侍  
舉鎮圭授殿中監又以縹藉詣次室先設於地次舉冊  
官搢笏跪舉祝冊讀冊官搢笏東向跪讀冊文讀訖奠  
冊各執笏興先詣次室戶外東向立禮儀使奏請再拜  
皇帝再拜訖禮儀使前導皇帝詣諸室奠圭幣酌獻並  
如上儀次奉幣官進幣官受幣官奉爵酒官受爵酒官  
進爵酒官俱降復位內侍舉鎮圭縹藉以鎮圭授殿中  
監以授有司讀冊官以下俱降復位禮儀使前導皇帝  
還版位登歌樂作至位西向立樂止

乾道元年添詔別  
廟升降行止宮祭

登歌樂作並  
如禋祀之儀

禮儀使奏請還小次登歌樂作前導皇帝

降自阼階樂止宮架樂作將至小次禮儀使奏請釋大  
圭殿中監跪受大圭皇帝入小次簾降樂止文舞退武

舞進宮祭正安之樂作舞者立定樂止禮直官太常博

士引亞獻詣盥洗位北向立搯笏執道元年皇太子為亞獻德格主後同

盥手悅手執笏詣爵洗位北向立搯笏洗爵拭爵以爵

授執事者執笏升詣僖祖室酌尊所西向立宮架作正

安之樂武功之舞執事者以爵授亞獻亞獻搯笏跪執

爵執尊者舉罍太官令酌壺尊之盞齊訖先詣次室酌

尊所北向立亞獻以爵授執事者執笏興入詣僖祖室

神位前北向立搯笏跪執事者以爵授亞獻亞獻執爵

祭酒三祭於茅苴奠爵執笏俛伏興出戶外北向再拜

次詣每室酌獻畢執道元年添次降西側階詣別廟始節皇后室酌獻

並如上儀樂止降東側階由東廊復位初亞獻行禮將

畢禮直官太常博士引終獻詣盥洗及升殿酌獻並如

亞獻之儀訖降復位初終獻既升次引七祀及配饗功

臣獻官詣盥洗位搯笏盥手悅手執笏詣神位前搯笏

跪執爵三祭酒奠爵執笏伏興再拜詣次位並如上

儀退復位唯七祀先詣司命位奠爵此與少五次引太

拜官皇帝既裸光祿以牛左臂一骨及長脅短脅俱二骨

以並載于胙俎升設于僖祖室戶位候終獻既升獻次

引進俎官搏黍太祝太官令詣飲福位北向立奉俎豆

爵酒者各立於其後禮儀使奏請詣飲福位北向簾卷

出次宮架樂作殿中監跪進大圭禮儀使奏請執大圭

前導皇帝至阼階下樂止升自阼階登歌樂作將至飲

福位樂止登歌禧安之樂作皇帝至飲福位西向立尚

醑奉御執尊詣酌尊所良醑令酌上尊福酒合置一尊

尚醞奉御奉尊詣飲福位殿中監奉爵尚醞奉御酌福  
酒殿中監北向捧以立禮儀使奏請再拜皇帝再拜殿  
中監跪以爵進酒禮儀使奏請措大圭跪受爵祭酒祭  
也啐酒奠爵殿中監跪受爵以興太祝帥執事者持胙  
俎進減神位前正脊二骨橫脊二骨加於俎上內侍受  
俎以授進俎者進俎官南向跪以進皇帝受俎奠之進  
俎官受俎以興以授內侍退詣殿上稍西東向立大官  
令取黍于簋搏以授太祝太祝受以豆東向跪以進皇  
帝受訖奠之搏黍太祝受豆以興降復位次殿中監再  
跪以爵酒進禮儀使奏請再受爵飲福酒奠爵殿中監  
受虛爵興以授奉御執事者俱降復位禮儀使奏請執  
大圭俛伏興又奏請再拜皇帝再拜樂止禮儀使前導

皇帝還版位登歌樂作至版位西向立樂止次引微牛  
俎官微籩豆并俎籩

豆俎各一俱  
少移故是

登歌豐安之樂作卒

微樂止微牛俎官降復位禮直官曰賜胙行事助祭官  
拜贊者承傳曰賜胙再拜在位官皆再拜送神宮架興  
安之樂作一成止次引奏奉神主官詣皇帝版位前俛  
伏跪奏奉神主入柝室奏訖俛伏興退祠祭官於殿上  
承傳曰奉神主入柝室次引薦香燈官措笏奉帝神主入  
柝室訖

薦香燈官先於柝室  
座納神主置於神

室執笏退復位次引宮

闌令奉后神主如上儀復位次引奏奉神主官詣皇帝  
版位前俛伏跪奉奏神主入柝室訖俛伏興退禮儀使  
奏禮畢前導皇帝降自阼階登歌樂作至阼階下樂止  
宮架樂作出門樂止禮儀使奏請釋大圭殿中監跪受

大圭以授有司皇帝還大次禮部郎中奏請解嚴訖皇  
帝入齋殿宮闈令以黍稷肺祭藉用白茅束而埋之於  
西階之東有司各取幣置於坎太禮使以下就塋瘞位  
禮直官曰可瘞置上半坎太廟宮闈令監視次引大禮  
使以下詣東神門外揖位立禮直官贊禮畢揖訖退文  
武助祭官及宗室以次出次引七祀獻官詣南神門外  
七祀塋燎位南向立有司置祝版於燎柴焚訖退太官  
令帥其屬微禮饌監察御史詣殿上監視收微訖宮闈  
令闔戶以降乃退太常藏祝於匱